

Kloana Bua

Kloana Bua in mir
Weck des Kind in mir
Mach mi sorglos und wach

Lass mi Farb'n sehn
über Wies'n gehn
Stoana find'n am Bach

Kloana Bua in mir
nimm die Last vo mir
und bau Luftschlösser draus

Kant'n werden rund
Dunkelheit wird bunt
und die Freid geht nie aus

**Kumm, mach alles verkehrt
Mach mi frei und unbeschwert
Lass mi plansch'n am Strand
Muscheln suacha dort im Sand**

Kloana Bua in mir
zünd des Licht in mir
des scho lang nimmer leicht

Lass mi wieder sehn
und lass mi verstehn
was zum Leb'n grad reicht

Kloana Bua in mir
kumm, i lass mit dir
Drach'n steig'n im Wind

Gib mir alle Zeit
deiner Leichtigkeit
und i bin wieder Kind

**Bring Musik und Applaus
Lach den Ernst des Lebens aus
Und verzauber die Welt
wia der Clown des Zirkus-Zelt**

Kloana Bua in mir
steckt a Angst in dir
I nehm di bei der Hand

Werd die Geister wehr'n
die dir's Fiacht'n lehr'n
Steh vor dir wia a Wand

Kloana Bua in mir
ja, i bleib bei dir
auf deem Weg steil bergauf

Lasst dir was koa Ruah
stell die Frag'n nur
I find Antwort'n drauf

**Hab koa Angst – I hab Muat
Dumm is nur der, der Dummes duad
I bin groß – du bist kloa
Manchmoi einsam – doch nie alloa**

**Bring Musik und Applaus
Lach den Ernst des Lebens aus
Und verzauber die Welt
wia der Clown des Zirkus-Zelt**

Text und Musik
Michael Bohlmann
08 / 2010